

瓊山縣志卷之三

輿地志五 山類 附巖 崗

抱珥山在城內道署西高三丈餘阮通志

龍文山在府署後高三丈餘明知府林有祿培築

同上

三台峯在府學宮後脈自抱珥龍文聯絡排列如

三台然郡志

瓊山在縣南六十里白石都土石白如玉而潤縣

因以名種蘋其上特美所產檳榔尤佳下有瓊

山白石二村舊志增 俱舊志

雁塔三元峯在縣南一里平崗一峯尖秀如筆水

瓊山縣志 卷三 輿地五 一

環其卜朝拱兩庠以宋姜唐佐始登第得名元

至正中守帥築雁塔亭於上聯左兩峯為三萬

歷九年副使唐可封移郡庠三元碑堅於中峯

為雁塔三元

蒼屹山在縣南二里許洗馬橋南石峯屹立傍有

石壁刻云盤龍屈曲自何方起伏回翔幾里長

初無方長二字後人續成句子其陰有仙人洞

又名紫霞洞舊志增

靈山舊名黑山在縣東南十五里英岳都俗名聖

山喬木陰翳自北渡海中洋望之即見及抵其

地則不甚突兀上有靈山祠所祀之神有六曰

靈山曰香山曰瓊崖口通濟曰定邊曰班帥禱  
雨多應以三月初九日爲祭期其官市曰靈幽  
市舊志增

陶公山在縣東南五十里原名扶山左有五嶺一  
曰從衡二曰思崗三曰光螺四曰居碌五曰居  
林遞相擁護昔有陶公得道於此故又名陶公  
山道書第二十四福地也舊有陶公墓山下有  
巨潭合外三十六曲水達大江其西有蒼巡洞  
中有二井舊志增

瓊崖神嶺在縣南二十里東潭都平地起峯高十  
餘丈卽古珠岸郡城址中有神廟

西石山嶺在縣西四十里上石山都高三十餘丈  
一名馬鞍嶺爲邑主山上有井與海通泉出清  
冽有洞可容數百人舊有石鼎丹爐在挺峯之  
下鄉人以爲祭神祈雨之所時有金牛出現西  
南一里有遞蓮崗稍西爲龍廊崗舊志增

東石山嶺在縣南七十里博埋都一名美丙嶺四  
畔平原中突一峯狀若交椅石上有巨人跡舊  
傳仙遊於此前置巡檢司今廢 按山在舊州  
一名舊州嶺高與西石山嶺埒

潭龍嶺在城東北二十里坐之可望黎母諸山其  
下有泉分兩臂並趨西南一泉中湧名曰卓錫

泉景泰禪師古蹟

景泰禪師米僧和靖也○舊志增

虎村嶺在縣西南五十里雷虎都高二丈許一名波秋嶺一名雷虎山亦名虎蹲嶺其勢自西石山蜿蜒而來至是挺起狀若虎踞山下有溪流爲西南湖其南有鴉卜崗

舊志增

永茂嶺在城西南五十里遵都圖高十餘丈嶺上一片平陽有小墩六迴環盤繞人以爲上應六府星康熙年間鄉里置一神廟有一石由小而大幾滿廟中號石母神道光年間又建一文昌閣西南有一崗卽鴉卜崗

採訪

赤嶺上弦阿在桂林都黃天疆遊息處景致頗幽

瓊山縣志

卷三

輿地五 山

三

每端陽重九少長遊集元林無我有詩題咏

舊志

順村嶺在縣東三十里演順都平陂起峯四望森

鬱元僧無我建塔於上其右爲龍盧洞

舊志增

丫髻嶺在縣東八十里獨坡都高二十餘丈形如

丫髻

舊志

又縣東南百餘里一嶺形亦如之別

名丫髻

採訪

石鼓嶺在縣西南一百六十里西黎都卽南岐嶺也高二十餘丈中有大石盤圍十丈許扣之聲

如鼓

舊志

盤塔嶺在縣南一百七十里西黎都南岐嶺南上有十三峯下有溫泉舊傳有僧涅槃菴塔於上

應

麒麟山在縣南十五里邕陽圖天陰晴時夜間常有雙燭光燄騰空尋之終不得其所

土鼓阜在城東距石巖洞里許平地突起數阜阜上皆赤石人物蹈之輒應聲如鼓扣以小石噌吰響亮如擊鐘鏞疑此地與石岩相通其中皆一片空洞不然胡爲扣之而其聲淵淵然耶

龍纏崗在城南八十里博盛一都其形如龜上有仙石棋枰旁有甘泉名浮廩井

上田墩在城東五十里儒林都大江中特標一柱聳拔奇異古石嵯峨中有一洞可容數人四面

潮聲湧如旗鼓所產之魚多奇

丙子嶺在城東五十餘里蓮塘村東峯尖而聳上多林木鳥獸常有雲烟變幻於其間

濛見嶺在城南百餘里開文聖鹿二圖間高十餘丈四面白石累疊數十層其巔則產磁石

紅旗嶺在城南百餘里開文圖高四十餘丈其地南界文西界定

瓊山嶺在城東二百里徐宅屯高約數十丈廣約四五里其巔多產海螺

龜墩在城東八十里蘇尋一圖南岳阡田中突起一墩高三四尺周圍廣數十丈其形象龜故名

龜墩鄉人祈卜吉凶屢驗

羊角嶺在屯昌市南平洋突起四圍周全無缺頂尖如羊角然年豐則有祥雲掛其角端土人以爲太平之瑞

龍盤崗在郡東二十里張吳都龍盤塘北與龍盧洞相距里許天晴明時陟其巔可望海北諸山元明間村民營葬其上得一石絕竒頭角與龍首酷肖棄之夜有靈光衆驚異爰鑿石室奉之每年五月二十日致祭至今不絕早禱往往有應

烏嶺在慶善圖方伯張岳崧有詩載藝文

古所嶺在城東南百六十里坡口屯地高數十丈望

瓊山縣志

卷三

輿地五 山

六

海如在咫尺前後左右衆山旋繞如衆星之拱北嶺上有一大石鄉人祈禱屢應

凌峯嶺在城東南百六十里徐家屯地海旁突起高數十丈其上多產異螺

孟季嶺在城東南百二十里三峯疊峙次第分明若孟季然多出磁石置羅經於其上盤針搖動不息

以上俱舊志

瓊康山俗名瓊皚山在縣南二百七十餘里有苗人居山下橫直二十餘里高數十仞林木蔭翳有香木蟲絲艾粉紅藤簪苙諸木并麋鹿獐猿山猪諸獸利產甚鉅瓊定二屬均賴其利

橋頭山在蘇尋五圖東高丈餘北枕巨沼東繞長溪行者病涉南宋淳熙年間海南副將馮文備因官居此造橋以濟行人因以名山

藍玉山在橋頭山之西里許

崐山在蘇尋都東卽明處士黃鈺所隱居之東皋

烏石山在蘇尋都烏石里西山頂圈旋如螺北瞰烏

石橋自橋仰視高三丈餘蜿蜒至西南二百餘步

矗立一石高五尺餘西北壁如削東南低平如席

廣數畝色黝而光澤大溪出其下林木陰翳坐聽

小聲塵襟盡滌

獅子山一名虎龍山在蘇尋都梅峽里西越長溪南

瓊山縣志

卷三

輿地五山

七

濱其山自東南縣貫至溪矗立四丈餘巉崑削拔

獅子頭故名

墨峯在縣南八十里許高數丈有山巖洞壑之勝明

處士王汝智隱居於此因削其刑名曰墨峯一時

學士文人李珊邱墩陳暉李子長蔡齊宸黃鳳翔

蔡秉乾張紱李昌吳謐等二十餘人有詩有記

明僉事李珊詩不是文章射斗光如何高聳出炎  
荒靜觀每愛彤霞近高卧無妨白晝長鹿豕與游  
心共適桑麻掩映影低藏山人莫謂渾無事祇恐  
徵書下帝旁邱墩詩幽居何處是槐堂淑氣鍾  
靈有此鄉豈讓八龍荀氏里月長他日蔣家莊  
中宰相烟霞老海上神日休論三經子門崇閣  
閱定從翰墨芋傳芳李潤泉丈落不染出崖色鮮  
妍託迹孤高勢插天常引子長黑雲出磨崖石  
萬年堅閑看雲壁題新字細認丹房帶舊  
細文筆子霄雲路近兒孫同采桂花先

金牛嶺在郡治西十里秀英村前廻環有一里許  
神仁嶺在縣西五十里

三峯嶺在縣西五十里

登崇嶺在縣西五十里咸亮墟西上有層巒聳插衆  
壑環抱下有茂林脩竹清泉涓涓

羅經地在縣西五十里咸亮墟西濶圓百數十畝深  
有丈餘內有淺潭地利甚溥鄉人爭耕之

黎母嶺在水會所南二十里林灣都高六十餘丈長  
有六里山林穢雜甚爲崎嶇土人不能登其極二  
架領深巖處有一石宅極爲清幽前後俱有苞蕉  
金橘等果宅內似有人跡舊傳有仙遊於此山多

生沈香

鷄嘴嶺在南埗市東南六里南埗都高三十丈許長  
十二里多產山馬南邊鹿茸以此嶺出者爲正地  
道其功力勝他嶺十倍

紅茂嶺在水會所南九十里小水崗高四十餘丈有  
金壙土入常在嶺脚之溪淘金赴南豐市變賣  
嶺脚嶺在縣南五十里麻長都嶺脚市東北高數十  
丈

一字嶺在陶公山北形如一字故名五指山東來之  
山脈此爲最高

三嶺坡在陶公山南平地突起三嶺俯臨曲水其形

上圓

福祿嶺在文興圖東咸來市東北隅形勢不高嶺頂平居民種植其上常有金沙發見未經開採

牛角嶺在文興圖正東與咸來市相距二里許形勢畧高常有銀沙發見未經開採

道崇嶺在道崇市旁

龍發嶺在大攝一圖龍發市之東其山脈由雙髻嶺來分脈生陶公山博洽輝山

丹山在蘇尋三圖西泮池之湖邊二山並起其地有丹砂故名丹山

鐘嶺在縣東四十里演順三圖塔市西俗名塔上峯

古名順村嶺於平地突起形若覆鐘高可十餘丈上有古剎下有甘泉由陶公生出濱海數十里此爲最高天晴時陟峯巔而四顧東有抱虎西有馬鞍南有陶公北有七星拱衛近在目前峯之左有方塘半畝平田數頃峯之右有溪溝映帶沙岸廻環沙岸之外則巨浸茫茫凡帆船輪舶之往來一一可數與文昌舖前港木欄頭犬牙相錯對面卽雷州三縣一葦可航洵縣東形勝也元僧無我曾建塔於此今廢

鼓嶺在縣東四十里塔市東地勢平圓其形如鼓與市西鐘嶺對峙周圍空曠榕陰夾道嶺中設雨壇

每遇歲旱禱祈屢應居民亦以時報賽焉  
神應嶺在縣十里涇洲圖其山脈由府城北生來爲  
東北隅屏障分支生入山旺橋板橋頭園尾四村  
轉入新安村過港村海甸六村地勢到海  
新埠一二三嶺在縣十里爲新埠村北後山村民叢  
葬其上  
苦來嶺在縣西南一百七十里洗馬屯地其石笋重  
疊或高數尺或大數丈有十餘里之遠起伏最奇  
海公嶺在縣西南一百六十里近洗馮市高二十餘  
丈長二十餘里爲瓊定之交界林木茂盛多產禽  
獸一名高攀嶺

四頂嶺在縣西南一百六十里洗馬市之西高數十  
丈長三十餘里其頂有尖峯四中間二尖高左右  
二尖微低形如筆架中有一石空泉水流出其味  
清冽

喜雨石在龍塘圖文彩村前石大丈餘中微均天久  
不雨若有烟氣從石中出五日內必有甘霖故名  
喜雨

以上俱  
採訪

巖崗

鶴山崗在石山嶺西北博山村東南向來稱爲古  
仙人崗門口由北面入內分三崗有中崗左右  
崗從門口下行三四十步見有一行石路如橋

左右兩邊俱有水深不滿三尺木旱時亦不乾  
洞味甚清冽其形勢高廣如三間大屋過橋暗  
無天日無火不能入由此而進高七八尺或五  
六尺不同廣俱三丈有奇上皆平石下皆平土  
內無他動物惟蝙蝠甚多行入約三里許有一  
處甚低僅有二尺過此見有四方大石平如砥  
鄉人相傳仙人圍碁於此由此復深入或高或  
低歧路甚多凡入遊者每帶糠粃漉路爲記石  
則誤入歧路不知所從出矣從圍碁處再深入  
二三里亦無止境自來無人行到窮盡處相傳  
此崗與遞蓮崗相通未知是否至左右崗未過

橋水卽分路二條崗口相對左崗行百餘步卽  
無路通右崗行三百餘步仍有路去統視三崗  
可容十萬人各山所紀仙崗無如此之廣大深  
遠且竒異者此爲瓊島第一勝境

採訪冊

龍巖崗在石山嶺西北羣榜村西南與鶴山崗相  
距里許門口從東入高約丈餘深約三丈餘廣  
五丈恍如大屋門口兩旁亦有小崗相通大崗  
中有小房房內有石牀相傳爲仙人休息之所  
每當炎夏時樵夫牧童於此避暑

同上

仙人崗在縣南二里蒼屹山後崗口有石爐內有  
石版題曰遠七里近七里不遠不近在七里嘉

靖間郡守張子宏偕貳守趙可旦遊覽改題其  
崗曰紫霞建安仙亭青雲亭留題其間萬厯間  
副總兵鄧鍾建羸惠菴買田俱祀勒石題景豎  
有碑記副使蔡夢說立流芳亭於左知府倪棟  
立會心亭於右各有題咏舊志同按崗口有仙蹤  
二字郡丞宗公勒崗今已塞菴與亭亦並圯  
蒼巡崗在符村西崗門寬五六尺斜八二十餘丈  
內有二井鄉人砌石路汲水人汲其一牛飲其  
一深處暗不能入

遞蓮崗在石山舖東南一里入門行數十步委曲  
相通大小五崗深遠有石磴如榻可容數十人

瓊山縣志

卷三

輿地五

巖崗

十二

上有門見天日傍一黑崗無火不能入

龍廊崗在冠南都東南一里崗路崎嶇由西南八  
深二十丈傍有小崗十二可容數百人鄉人曾  
於此避難

鴉卜崗在雷虎嶺南周圍約里餘深數丈雖秋潦  
彌月不滿中有石墩牛馬牧其內

龍盧崗在張吳都顏利側卽顏盧縣舊址副使黃  
顯致仕造爲休養之所尙書王宏誨知府史朝  
宜相訪有詩見藝文

鋪錦谷在縣南五十里疊村幽邃險絕元貞女蔡

九娘死節於此又名鋪錦巖

以上俱舊志

石巖崗在城東六十里皇瀛村南地脈□□而□  
歧爲赤白二岸赤岸石壁峭立中開洞門寬廠  
可容數十人洞裏深不可測有鄉民秉燭而進  
但見四圍空洞歷數百步卽抽身出不敢深八

採訪

仙洞在城東百餘里聖鹿圖白石溪中有連珠石  
一帶高十餘丈廣二十餘丈而空其中名曰仙  
洞洞上溪水長流洞前水深無底昔有龍起於  
此逢旱祈雨立應全上

川類 附井泉

南渡大江卽一統志之黎母水而俗所云博冲溪

瓊山縣志

卷三

輿地 五巖崗川 十三

也其源出五指山歷臨澄定三縣地界沿流會  
合諸水至城南六十里曰白石河至城東南十  
里曰南渡大江由東而北五六里納學前水之  
支流爲博冲河口瓊郡柴米百貨多由此運又  
北十五里至新埠渡分爲二派一北流爲牛始  
港八海一西流而北爲海口港八海其江自博  
冲渡而下陷民田爲沙漠者南北七八里東南  
約三里居民苦之採訪

舊志在縣南十里曰南渡大江又五里曰博冲  
河口又分一支流繞城東曰河口河考今水道  
博冲河口及河口河俱八大江而志云從大江

分出似誤

附

馬房坡在縣南十六里博冲河西那邕頓林二圖地英岳圖人亦來居頓林圖之南渡村俱因牧牛無所三圖耆老議將此坡爲三圖牧地其所載苗米二石五斗撥八三圖通融輸納康熙四十年條陳縣府道并呈總督彭俱批准牌行永不許後人借名開墾亦不許營馬同牧有碑勒豎府署前採訪

流水坡在縣東四里博冲河中自道光數年而後水勢專注乎坡之東而坡之西成曠土焉同上

黎母水一統志云在城東三里舊志

按此卽南渡大江也以其源出自五指故有此名一統志云在城東三里者蓋大江在縣南由東而北其距城南十里距城東不過三里也

學前水在郡城南其源自西湖流經丁村橋歷洗馬橋繞舊學前東至新橋南橋又東北至河口村分爲二派一支西北流繞郡城東爲河口河一支東南流入大江爲博冲河口其流繞郡城者至白沙海甸二村方滙大江以入海採訪

河口河在城東門外卽學前水之支流也宋人濬導流經攀丹村東南而北會大江以達於海明宏治間知府張桓因里老唐正等建言買民田

改□□□□直抵城□以便運糧□有石橋  
赤名板橋□久淤塞乾隆元年道憲潘公思渠  
王公元樞相繼疏鑿繞東門經蘇泉書院由明  
昌塔出海碑鐫潘公河三字乾隆十九年巡道  
德明精於水利渡河東北下窰口建石閘以資  
啟閉灌田益廣歲撥府地稅銀六兩爲閘夫工  
食商民立碑閘旁名曰德公閘乾隆四十七年  
前道詳撥萬州撈獲鉛斤變價銀五百兩生息  
爲修河經費經督撫咨部奉准在案四十八年  
價買樂會縣崇文鄉土名業墩崗錦舖等處田  
地共四十二畝八分三厘三毫載糧銀一兩五

錢四分四厘九毫折制錢一千五百七十七文  
每年批佃輸租錢三十一千文除完糧外實存  
錢二十九千四百二十三文通年租息由樂會  
縣徵收解道庫存貯專爲歲修潘公河之費  
舊志  
增

博冲河口在縣東南五里頓林東昌二都界亦學  
前水之支流也其水常流出大江遇淫雨漲溢  
亦從大江逆八爲郡治巽方之水傳有古讖云  
博冲河口塞五解狀元生萬歷甲寅尙書王宏  
誨知府謝繼科通判潘大熙議塞以圖應讖因  
乙卯年兩學脫科水漲淹田鄉人共稱不便鳴

于署府事推官傅作霖委官開之旋塞旋□□□  
蓋猶有待焉志舊

第一水在縣西三里其水自山澗流出繞下田村而  
入於海又西三里一澗謂之第二水亦流入海志舊

同下

湍渭溪在縣南十六里上那邕都水源二一自謝潭  
一自廕潭合流東北十餘里入南渡大江水清如  
渭土人呼水為湍故名邕陽頓林等圖車水灌田  
皆賴此溪其隄岸即濱壅圩也年年苦築舊志增  
謝潭在縣南十五里下那邕都潭謝村山間泉湧出  
渚為潭深莫可測種蓮其中夏時花開香聞里許

瓊山縣志

卷三

輿地五川

十六

土人結茅亭水中納涼賞蓮風景宜人舊志補修

閩李熙游謝潭賞蓮詩航海南來別故濠梁清  
興了無關問誰筮履超塵外招我琴樽盪水間三  
面小橋花事開一聲夕磬客心閒祇因素有濂溪  
癖戀此亭臺晚未還煙波裏有人福花來水石間  
步扣松關無到沙鷗何意傲人問別來何處被簪  
犢不時馱客到鷗何意傲人問別來何處被簪纓  
誤絕好林泉幾往還澄似鏡綠波蘸影淡於羅任  
流勝我多白水寫心澄似鏡綠波蘸影淡於羅任  
教瘴霧窮邊起菱歌香月到亭均闢少塘人還自  
在耕餘聽采菱歌弄風底和闢少塘人還自  
海即仙鄉蓬萊妙境空現菱藕奇芬稻後嘗潭  
影玲瓏明月印簾波漾午風涼但期醉後紅蓮  
熟遍野游歌究不妨  
案潭中草亭名弄月

龍廟西湖在縣西十五里博崖都一名頓潭泉自白

石巖流出極清昔人刻石為龍置穴中水從龍口  
湧出又名玉龍泉明鄭廷鵠告養時讀書廟中有

銘刻石遇早祈卽有雨

舊志補修

鄭廷鵠錯郡潔城西湧之勢如飛走出王琳寶寒掬  
異常其味甘潔噴湧十五里泉琳寶可掬  
雖好早者不竭郡中禱雨實往中遂龍以取水焉罔有不  
應好事者因鑿為石龍真寶中遂龍以取水焉罔有不  
石東流田十頃名轉曰西湖右又勝甲於一郡而為  
泉得溉田久募工輦石在湖西湖右又勝甲於一郡而為  
有枕漱之志乃募工輦石在湖西湖右又勝甲於一郡而為  
不龍窮也銘之并銘曰莫淵者泉誰泉適嘉澄之以莫神者用  
為龍可窮也銘之并銘曰莫淵者泉誰泉適嘉澄之以莫神者用  
龍靈也故豢之逝然銘曰莫淵者泉誰泉適嘉澄之以莫神者用  
高其能與之下者如斯則龍與細能與巨泉能何與以  
霖在雨小合在卷大故曰神變無常幽能章若子臨之非  
苟不若六龍往而莫施其勞茲其不為習所不撓窮也而  
而能九出龍往而莫施其勞茲其不為習所不撓窮也而  
子謂孰能當之田乎易曰利見大入德施普也非君  
謂孰能當之田乎易曰利見大入德施普也非君

瓊山縣志

卷三

輿地五川十七

又詩玉龍廻首碧池前空谷冷源啟大川石砌古  
通蘋藻雪錦題新挂蘿煙仙別是秦島初  
時何當問漢年要識山靈有神應商霖今日傳巖  
丘對勤玉連龍梯泉詩並入序清波瀾十  
南石洞鉤而撲鼻榕皆出憩想外寺前  
突而巖危橋皆出憩想外寺前  
如雪幽香撲鼻榕皆出憩想外寺前  
復知有五人間世也同遊茂愛亭形弟一  
與余共五人間世也同遊茂愛亭形弟一  
危關半瓶露羊腸若雲排空來高下影寒野鶴  
蝸廬陰力踏蘭若惡青秧清波疇倒樹寒野鶴  
神鑿余誠雪機快暢天噴口薄樂施茶流間布種  
魚鑿與忘誠雪機快暢天噴口薄樂施茶流間布種  
藥歸與叙游快暢天噴口薄樂施茶流間布種  
鬼斧鑿與叙游快暢天噴口薄樂施茶流間布種  
雌有老龍躍若龍去泉脈風雷怒作閘昔地無縫  
源龍首宛若龍去泉脈風雷怒作閘昔地無縫  
初春浥注歌鐫洞酌驟隔牆之笑語山靈步遠中  
然隨風散晴翠滿山郭迴波浮羽觴懸流挂珠箔  
然隨風散晴翠滿山郭迴波浮羽觴懸流挂珠箔

裸事先期修裙銀影交錯戀此豈思返翁土香聚  
鶴悵望出洞天徘徊度略約采采白頭况復對雲  
仙藥回看山眉  
橫夕陽在村落

蔭潭在縣南二十里東潭都泉出山澗瀦爲潭大旱  
不涸

銅鈔溪在縣東南八十里源出那社山中中有巨石  
形如銅鈔水注其中有聲如雷溢出文昌舖前港

南湖在府城南漑田千餘頃按水自西湖流出城南一帶皆曰南湖

小西湖在府城西

清水湖一名黑塘在縣南五十里麻口托都之交界  
處周約四里許汪洋無際乃邑中湖之最深而且  
大者所產之魚猶爲著名漁人四時泛舟其中湖

之南有圓塘相距咫尺水深而綠周約百餘丈其  
形甚圓

迴流灘在縣南五十里麻長南渡江西岸其上流有  
礁石自岸西橫亘江心水爲石激轉流而西入灘  
中迴流成螺旋紋復折而北灘中有石巖甚廣淵  
深莫測往往於白間或夜作嘯鄉人頻聞嘯後二  
三日必有風水之災其南有福祿灣灣中有二島  
對峙風景頗佳

打鉄灣距縣南五十里托都之北地居南風曲上游  
之北岸爲南渡江第一良港水愈大則流愈緩當  
江水泛溢時上流樹木及雜物等之被漂掠者皆

流入此灣鄉人每於岸旁撈取獲利頗鉅

魯池在嶺脚嶺東北周約里許池中有蓮景趣頗佳  
土平口溪在南坤市西二十五里南坤都源出五指  
山經大小水崙林灣都硯口順流而下金江建江  
以達博冲此溪有金江小舟可到土平口硯口運  
檳榔木料等貨溪西澄邁地賊匪麇聚

雷公灘溪在水會所西三十里硯口溪上流八里其  
灘高丈許舟不能渡其聲如雷因名雷公灘灘西  
臨高地爲賊匪巢穴

羅盤湖在縣西五十里永茂嶺之西周十餘里深三  
十餘丈形如圓四面階級環疊如畫儼似羅盤中

有小墩突起高二三尺橫長縱短中偏稍高北爲  
鈍角南爲銳角無殊子午針夏秋之間小墩被水  
環繞如覆圓鏡於子午針上

南風曲在縣南五十里麻長都之南其上流自建江  
北來入瓊山境至此忽折而東流成一大曲長約  
四里許復折而北經南渡以達博冲故乘南風順  
流而下之舟至此落帆因名南風曲

敦厚湖在文興圖敦厚湖村前西積十餘丈康熙年  
間進士謝寶經游其地夜間賞月賦詩後名望月  
湖

南疇湖在文興圖南疇村中間水常不涸深數尺湖

南邊水淺泥深常時耕種故名南疇

新屯海在文興圖新屯村前一里之遠深丈餘種蓮

其中風景可賞

河港渡在縣東四十餘里演順豐華二圖之間河港

村西由瓊往文必經之渡

文明池在縣南七十里麻釵圖太乙村前周圍廣二

里許四時不涸

障海岸在調塘二圖陳魁舉售私田十餘畝出資糾

眾障先人所墾之海岸築二道各長數百丈名曰

障海岸下岸外遍種木以護岸基其子政明孫寶

登曾孫貴琨補修先岸守鹹捍田續植海木並創

調六等處大岸長二百丈有奇四代皆修海岸保

護洋田有功桑梓

龍塘在縣四十里龍塘市外市因塘得名其地有八

景後人多有題詠

十	常	紫	溶	水	碧	逢	聲	陌	化	年	捲	甲	一
丈	山	泥	地	面	蘇	未	沸	膏	龍	破	珠	龍	龍
虬	蛇	封	脈	蒼	封	能	沸	應	領	壁	干	岸	吐
梁	對	中	遠	紋	曳	飛	和	遍	下	去	顆	鎖	甘
抗	峙	流	來	現	尾	去	風	釀	雨	從	望	泉	泉
應	瓊	鱷	萬	豈	拖	擬	松	得	珠	容	裏	香	疑
龍	臺	浪	里	似	來	神	二	州	錯	水	重	吐	一
神	秀	衝	龍	芳	波	龍	二	氣	落	鄉	霧	氣	朝
祠	氣	千	現	葉	森	有	龜	自	雲	幽	幾	圖	雷
兩	此	尺	瑞	上	昂	但	巨	濃	根	處	重	帝	起
處	方	兩	宛	蹤	頭	覺	浪	最	泉	秀	風	載	潛
彩	鍾	岸	然	衝	紅	輪	景	好	玉	靈	景	尚	龍
雲	封	波	字	石	碎	湧	物	涼	漱	鍾	偶	尚	龍
春	古	破	燦	龜	玉	湧	物	秋	琤	頑	然	留	髣
以	廟	萬	負	浮	重	增	依	山	琮	石	尋	蹤	髣
俎	雙	重	書	出	重	皎	然	色	瀉	通	海	晴	秋
豆	峙	恰	凝	水	輝	原	鼓	晚	來	靈	外	餘	雲
編	有	有	溶	含	無	棹	流	南	已	何	舌	繞	繞

瓊山縣志

卷三

月春笑潭綠浦茫鵲未斜人洪帶繁連龍誰提龍四和氓  
 浸雨我揖水兩烟造揮漁同荒月華樹斜留橐珍通五薦  
 中柳澄雩傍虹樹梁將子卒百歸未暗通太至奇衢更里  
 央亦懷壇消飛接毫彩欲業家來易炊松白廻炤三鐘口  
 垂紅受彩天引筆歸東鱗道逢路列園豈傭前口  
 一腰樹果灞入長立欲忙西萃路長五肆邊闖是倪川莫伏  
 輿座拜外然陵橫南成題市煙陶長髮窟倚徑雲遠環逢屋色殷通廟鬱  
 地雩夕是法驢塘北詩剛外繞成髯列雲遠環逢屋色殷通廟鬱  
 五壇陽誰可背依雙一雌雙樹眾鬣列雲遠環逢屋色殷通廟鬱  
 川照何低激客依橋首雄橋微兩考東雖蓬屋色殷通廟鬱  
 涼詩碧翔鞭市夕人別野鳩嚴非萊幾浮繁百回迥  
 二花人波村正青陽灞虹塘六居薛試十海上口甕氣何陶三  
 十一香洗竹晴踏曲雁擬帶何河寒北今民酌市雨巷醉肆馬色聲  
 拂硯皆潭新隱帶秋妨漢花北今日俗方已萬馬酒如店口如  
 蓮輪節草人排極微橫渡日旋尚塘覺家如店口如  
 塘秋祈塘七家極微橫渡日旋尚塘覺家如店口如

浪朝影來靈氣衝日窓入雨後寒中疑有砌長古窟祈千禧年甘  
 霖澤萬方滿塘印磨每欣逢靜人窺古鏡兩眉蒼端水  
 漲春初綠八塘月水鏡逢山夜奪標曾記鬧秋祠  
 陽玉將開萬奩莫訝光鬪新照徹千曉鏡氣涼水樹古  
 來勝景在銀塘空明倒影雲霞麗拂拭斜吹風光秋  
 涼花繞芙蓉添冷艷影搖宮殿動寒芒詩人吹到雨  
 多清興佳句兼收入錦囊風吹斗轉參橫夜涵涼空  
 山秋雨蓄清新塘成紋水被風吹皺似鏡波涵月照  
 光到底澄清煙能鑑物不須磨鍊自生芒煩襟洗淨  
 胸無碍放浪煙霞莫笑狂新補生芒煩襟洗淨

蓮塘在縣西南六里邁瀛村外其水由薛村前響水

橋分流滙於此塘濶約里許深數尺塘邊種稻多

為秋潦淹沒近種蓮萬柄花時香氣襲人遙聞數

里夏時遊人多避暑於此風景亦佳一在縣南白

廟多種蓮其利斯溥查各圖深山多種蓮皆名蓮

塘不止一處 □ 訪冊

東湖在縣東十五里博茂都舊有巨室居此忽陷  
爲湖水色深黑元時天旱湖中一物直豎如柱  
高十餘丈須臾而仆聲撼動地不二日大雨官  
民因建廟於側每遇旱取水以禱輒應康熙四  
十一年立碑縣前免兩圖差役以爲邇年修祭  
之需四十五年知縣王贄重建廟三間凡旱廟  
中有火光燦爛三五日卽雨

西南湖在縣南五十里雷虎都乃虎村嶺溪流所  
潞而成者去湖四十步有仙井上有仙遊遺跡  
其流溢出灌田百餘頃出梁老橋通南渡江八

瓊山縣志

卷三

輿地五 川 二十二

於海

安容湖在縣南八里豐好鄉

蓮塘在府治南產白蓮

五龍池在縣西十二里五原都泉清冽五派滄出  
成池經濱涯轉南茂橋出海

峻靈潭東城外周圍二百丈蓋黎母水所匯也所  
產魚味特美有峻靈神祠今廢 舊志增

雙塘在縣西四十里下石山都其塘一大一小一  
清一濁淵深莫測旱祈卽雨鄉人祀以爲社又

海口亦有雙塘

舊志增以  
俱舊志

洗馬池在城南三里 阮通志

豐好水距城七里龍眼水九域志郡國志並在瓊  
山界□□

東山溪在城西南七十里經澄邁定安達南渡江

郡志

三十六曲水在縣南五十里麻長都盤紆數里勢

如蛟虬故又名蛟潭水出大溪達大海

採訪全下

大響水在縣南五十五里蒼興都其聲如鼓下流  
入三十六曲水

小響水與大響水相去一里其聲亦如擊鼓

道泮池在縣東南五十里萬都一圖舊有泰華廟  
今爲泮池社學以誨圖中子弟水前後環繞如

瓊山縣志

卷三

輿地五

川

二十三

帶

望月湖在縣東南八十里中秋夜進士謝寶宿其  
地曰此湖圓淨如滿月可名望月因題一絕於  
壁曰瀲灩湖光上接天滿輪秋月鏡雙圓誰將  
掬水梯雲取爲憶周生與謫仙

蓮潭在邕陽圖潭有二其一在珠良村前其一在  
鳳咏村前每潭有蓮數萬柄花開時紅白相間  
香氣襲人

王家灘在郡東八十里調塘三圖灘頭村前有大  
江環繞江中起石狀如三台鄉人祈禱輒應因  
建神祠於側

孝溝在蘇尋都其水自嶺山東流逕西爲瓊往來口道山上古石崕岬兩岸及水皆石其色似黑磬旁一石有巨人足迹岸北水中浮出一石筍上嵌一石形如半月再北一大石方形如壇壝可坐百人爲土人祭天禱雨之所溪水由此與花溪合流入海

潭黎滙在蘇尋一圖東南北廣百餘丈東西長里許水深丈餘魚多魴鯉有至大數十觔者池東稍淺種蓮風景可賞

電白滙在調塘都南縱五六里橫三里許中起一洲綠草如茵可坐而垂釣進士謝寶曾置行窩其上

相傳初到時作文祭水神三年颶風不作後疑其偶無乃戲作請風神文投於滙俄而鐵鼈陡起廬舍漂沒乃徒去今遺迹尙存

流亨滙在蘇尋都南延袤三四里中深旁淺惟一石渠出水四圍田數十畝近來水深處多種蓮

日月池一名眼鏡池在蘇尋一二圖界上羅藏嶺起於其間如鼻然二池如鏡在左右池深廣相等經冬不涸

靈山潭在蘇尋三都界內有溪自東南來至此滙而爲潭水深二三丈岸東山上有古榕數株蔭翳行人石壇在焉旱時祈雨輒應

白水池在郡東八十里周圍二里許深不可測其中突起一墩林木青蔥與清流掩映進士謝寶嘗結廬於其上

龍潭巖在城東五十里大可三四尺泉噴出地高數寸流而不息開渠應田百餘頃相傳有龍曾山其中因以爲名

炳文池在城東五十餘里高崗聳拔中有一池魚味特美

月池在城東八十五里蘇尋二圖美帖村前形如滿月故名

日月塘在城東八十里蘇尋一圖羅莊嶺一在嶺

瓊山縣志

卷三

輿地五 川 二十五

左一在嶺右四山環繞形勢頗奇

嘉湖塘在官隆三圖嘉湖村前平原中忽成一湖周環二百餘丈左右皆奇石古樹每當春良有玉壺藏冰之氣歲貢張公廉曾建世德樓於其中旁有仙巖曰授丹洞歲貢張震蕃暴病遇異人授丹於此因而得活故名

沙港灘在城東南百餘里徐家屯多產竒蠨遍身細毛俗名毛蠨其味極美每年七八月出

以上俱舊志

白水塘在縣西十餘里西路數十里之水皆滙於此周圍四里許中深丈餘水自湍激風浪搖盪

不能種蓮頗有魚利西路池塘以此爲最大雖  
屢遭大旱不涸地屬蒼嶧

采訪冊

井泉

雙井卽舊海南衛前井宋景宣三年鑿久湮其一  
元皇慶元帥郝靠山復浚如舊官民咸取波馬  
今仍塞其一

舊志  
下同

府門井在府治西南卽舊蓮塘井一統志云其泉  
味甘冽環城人汲之

玉液井在縣內西隅管糧廳後明景泰五年知縣  
陳用已開

西城大井在大西門內街北正統指揮邱勝李翊

瓊山縣志

卷三

輿地五井泉

二十六

開今西門人汲之

南城脚井指揮李泰開

觀風井在察院公署內左萬歷戊子巡按蔡夢說  
開自記立碑今公署改爲總鎮府井仍存

北城井泉味清冽吳昇開指揮徐瑄修

瓊漿井在南郊舊縣學東洪武教諭趙謙浚深四  
丈立二石柱駕轆轤以汲水題一柱云歲王申  
閏甲申鑿斯井泉沄沄德日積用日新養不窮  
千萬年考古名告後人又立石碑刻瓊漿二字  
今井基尙存

水關井在北城內泉味甘冽

武秀井在縣東街武秀坊前宏治指揮張翊開  
多味井在縣南四十里梁老都泉出巖竅甘潔不  
涸

南宮井在南橋外南宮殿廟後泉味甘冽大旱不  
涸

琵琶井在南橋唐解元濂伯家居前有大枇杷樹  
陰蔽于上故以此名泉味甘冽不竭亦名仙井  
鄉人傳有金鯉遊現爲出唐解元之應

郡志作  
枇杷

沙井在城大南門外西南濠畔泉甘冽迴勝諸井  
康熙乙酉生員陳今益砌以石欄有碑

郡志作  
淨沙泉

六角井在南郊舊縣學東路畔石砌六角各有柱

瓊山縣志

卷三

輿地五井泉 二十七

今環南城外汲之

竹根井在城東一里侍郎唐胄鑿有銘

洗心泉在城北接龍橋下知府賈棠建橋始得此  
泉清冽不竭環以石欄名曰洗心有記

彌陀井在城東一里番誕村彌陀菴前

雙眼井在縣南橋外舊山川壇北山下泉味甘冽  
不下沙井

仙井在東潭都石巖中深一丈有平石左刻貞元  
二年右刻熙寧甲寅數字

龍井在蒼驛都鄉人琢石爲龍置穴中水自龍口  
湧出大旱不涸

田井在縣南四十里遵都巖泉湧瀦周圍三十步許冬溫夏冽昔人砌石爲闌旱則三五十里皆汲之

羊拜井在宅念都宋時羣羊于此跪水氣騰上鄉人鑿井得泉

天井卽圓井在邁都用漾村巖下深五丈其中可容數人入至深處或聞杵臼聲

白玉井在海口紅坎坡西宏治陳英俊開土人呼曰白玉井深不滿尺汲者用瓢上之味甚甘冽附郭各井以浮粟泉爲最海口各井以此爲最

舊志  
曾

吐華井在梁老都流入涌水橋清冽

玉龍泉縣西南十五里泉出石竇寒冽湧如飛珠走玉大旱不竭郡中禱雨必到此請水名曰龍泉鄭廷鵠有詩見藝文

惠通泉在縣東五十里符離三山菴下東坡所名記曰禹貢濟水入于河溢爲滎河南曰滎陽河北曰滎澤沱潛本梁州二水亦見干荊州水行地中出沒數千里外雖河海不能絕也唐相李文饒欲飲惠山泉置驛以取水有僧言長安昊天觀井水與惠泉通雜以他水十餘缶試之僧獨指其一曰此惠山泉也文饒爲罷水驛瓊出

之東五十里曰三山菴下有泉味類惠山東坡居士過瓊菴僧惟德以水餉焉而求爲之名名之曰惠通元符三年六月十七日記亦名東坡井

東坡井在舊道洽後東北隅東坡曾飲息于此故名昔人立有石碑萬歷乙卯郡守謝繼科覆以亭題聯于石柱近志卽以爲雙泉誤矣□按郡志云宋時井在城外明初廣城遂圍入城內亭名洄酌據碑爲萬歷庚辰郡守唐可封重建今亭廢碑記尙存

雙泉據舊志在城外東北隅宋蘇軾所鑿兩泉相

去咫尺泉味異常宋陸郡守建洄酌亭于上及李光謫瓊居雙井九年再移昌化有詩云曾是雙泉舊主人之句元嘉泰二年萬郡守重修蔣琬作記後久填廢卽文莊邱公亦有雙泉湮沒不可見之歎但父老傳言一泉在坡翁時有雙龍白如玉常出現又□泉金粟常浮與格古要論遊龍浮粟之說相合則一泉在北街田塾邊基石猶存一泉卽金粟泉無疑矣近志以城內道後者爲雙泉蓋傳聞之誤也康熙丙戌郡守賈棠于泉上勒石東坡雙泉之一上有臨清亭濯纓亭久廢口按此泉在粟泉東野礪下相距

數百武其味更冽河酌亭雖圯其基址並柱根石尙存但其止冢墓纍纍已不堪用

金粟井在城東北隅一名浮粟井卽東坡雙泉之一與右邊北隅泉相望而味更佳萬曆四十年郡守翁汝遇建粟泉亭未竟四十二年郡守謝繼科踵成之復建書院十餘間講堂一座適公卒于官轉爲遺愛祠四十五年副使戴熺增建二蘇祠康熙五年遊擊易知募建樓閣以祀準提別築二蘇祠于閣之左二十五年郡守佟相年副使程憲總兵吳啟爵卽準提基址改建正祠以祀二蘇置左右兩廊以作僧舍移準提於

瓊山縣志

卷三

輿地五

井泉

三十

金粟菴乾隆十年郡守于霈知縣楊宗秉仝捐俸建蘇泉書院並建泉亭于院前井上地當風雨各亭閣屢修屢廢至乾隆間學使翁方綱復建亭於書院之前補題其額曰泂酌舊志纂

清惠泉在城外北五里亭海口往來中道萬曆戊申年郡守倪棟所鑿建亭曰清惠故以此名泉味甘冽行人憇息多飲之四畔種榕立石勒銘今時呼爲倪公井以上俱舊志

鍾公井在小西門內深三丈許周圍砌石旁有碑

鐫鍾公井三字

郡志全

馬皇廟井在小西門馬皇廟內鍾司徒鑿

晏清泉在小北門內晏公廟後味甘勝城內諸井  
元時開石刻晏清泉三大字

毓秀井在城東北二十里潭龍嶺後其味清冽  
鏡井在東山市西北半里許天生自然廣三四丈  
深無底水清如鏡數千百尾魚出沒其中投以  
食物有於物魚躍之趣井門通三十六曲溝溝  
水濁井水清分流不混如河濟然井上有神母  
祠相傳其魚爲神所畜大者二三尺在井中取  
者烹之不熟出溝外則捕捉不忌郡志增  
噴珠井在文峯塔下深不滿三尺而泉甚寒冽三  
伏天卽之殊堪破暑

瓊山縣志

卷三

輿地五井泉

三十一

北讓井在城南十八里上那邕圖其井天然生成  
泉甘冽上有神蹟旱禱多應下流達□溪灌田  
甚廣以上俱郡志

丹井在縣西南五十里許美里村其泉常濟一方  
旱則有歷長途而來汲者探訪下同

仙井在遵都疊里之南道光八年大旱馮姓浚故  
井得此泉其味清甘數千家汲之不竭

甘泉井在東洋都員山環龍塘之尾味甘色清飽  
飲不饜明尙書王宏誨有塘尾甘泉詩見藝文  
育德井在縣南七十里上遊都儒林村泉味甘冽  
和井在滿天橋之北水泉湧出大旱不涸其味最

甘

瀉躁井在縣西南三十里山谷中康熙年間掘逢大旱三五十里皆汲之

博點井在縣西南四十五里鄭都泉僅深三尺其味甘美大旱不涸

美秀井在縣西南亨裕都道聘村乾隆年間始開其味甘冽

龍泉井在縣南三十里龍塘市嘉慶年間河岸高礮下泉源湧出其井不鑿而自成澄清見底味極甘冽鄉人周圍砌石以汲焉

玉洲泉在縣西北十餘里書場村東北高礮下水

瓊山縣志

卷三

輿地五井泉

三十二

清如鏡甘如醴澄澈透底遊魚可數嘗以秤稱之其水較重于他水當盛暑至其地冷氣逼人炎熱盡消飲之沁入心脾土人汲以煎茶造飯經二三宿其味不變

噴玉泉在縣南五十里陶山市下泉從岩竅高處噴出勢如垂虹以大桶承之須臾而滿水極清冽不澆不泥

金盤井在縣東南五十里太乙村圓如盤深三四尺其泉從石下湧出清甘重于他井久旱則數十里皆汲之南邊有一堀極圖淨相去咫尺泉源相通形如日月土人名爲日月泉

邁□□井在城西二十里施茶舖前明末大旱衆皆遠路取水陳門媪擔兩小甕水歸至此有客乘白馬乞水飲馬媪云無拌客指地之下級窪凹處拔去其草而傾之媪如其言馬飲畢仍以杓上其餘水分入兩甕兩甕皆盈媪異之因挖其地不數尺得濫泉焉僉以仙靈爲媪所感立廟祀之前人有記

溫涼井在城西南五十里雷虎都儒成村前嘉慶間鑿深二丈餘冬溫夏冽泉味清甘一方共吸之

三清井在南橋村南三清坡邊其味清甘亞于金

粟泉大旱不涸

永鏡井在城南六十里宅念都龍玩村前泉味清甘大旱不涸

卓錫井在靈山市前道光丁未年郡守林鴻年禱雨立應題曰澤被瓊南

永祿井在城西南三十餘里永都中團坊元未福建古田陳金滿金盈隨其父覺宦瓊卜居于此兄弟捐貲各挖一并金滿所挖者在道樂而此井則爲金盈所開其泉尤旺井底有一石坑縱橫數丈係天造地設歲旱附近數十村環繞汲之

浮石井在城南二十里東潭圖博讓村前有方石四尺餘四面均平常浮水面石上篆跡模糊可辨者月中人三字

珠崖井在城南二十里東潭圖近撫訓村初建城隍廟舊址其水香甜飲之可辟瘴癘

潭謝博井在城南十五里泉從岩穴湧出其色甚清如變而渾則年將瘟疫屢驗

一品泉在郡東八十里調塘三圖竹園村有古石井僅深尺許底如磐石中間一畫旁有三孔泉從孔中湧出甘美異常遇大旱數百家汲之不竭其下流灌田數十畝土人觀其形肖品字因

名爲一品云

甘泉井在城東五十里儒林里龍宮地其水潮起則鹹汐至則甘井中常有氤氳氣

醴甘井在城東八十里蘇尋二圖美帖村東平原中深三尺許泉從石出涓涓不已其潔異常汲置踰年共味不變明御史馮禹卜居于此嘗而美之因取名焉

香泉井在城東九十里調塘二圖高科村其泉甘美味之如有香氣故名

老井在城東八十里蘇尋一圖羅梧村前泉湧不竭其味清甘林馮吳三姓同建

靈應泉一名水貫井在聖鹿圖東銀山下水從石竇  
勇出混混不絕相傳泉脈與海潛通里中祈南迎  
龍取水輒應流經文昌縣猴橋溪匯西亭洋  
入卦香泉井在屯昌市側泉水由石龍口吐清香甘  
冽益人心脾

惠仁泉在秀瓊圖安仁市東北半里明邱文莊嘗經  
此飲而甘之謂味同惠通泉因名惠仁土人亦名  
邱公井深不二尺而大旱不涸來汲者三十餘里  
洋津井在縣西南三十餘里水自高山湧出四時長  
流灌田數百頃

揚旭井在縣西南三十五里水泉甘冽長流不竭

以上

瓊山縣志

卷三

輿地五井泉

三十五

俱舊志

大井在郡小北門大井巷內巷因井名開於明代泉  
甘潔而源最旺乾隆丙寅年坊中楊君正李有美  
重脩道光年間傾陷年久籊竹蔭翳石瓦壅塞不  
能汲坊人往汲別井咸豐八年天旱泉涸禁止越  
坊汲水坊內無以養生恩貢生符顯欽監生馮纘  
昌等創捐重修同治元年立碑符顯欽有記  
永清泉在郡大路街林公廟前光緒辛丑年坊人蔡  
陳洪三姓倡捐通坊銀壹仟餘元開深數仞甃以  
大石其泉清潔可愛重摹浮粟泉神龍碑字勒石  
井邊并修本街巷內濟和泉

表忠泉在下田村朱橘里明海忠介家居其地常飲此泉年代湮遠渌而不食光緒二十七年里人沈以琮以玠兄弟集捐澄其污濁甃之以石以存古蹟解元曾對顏爲記名之曰表忠泉勒碑井邊碧王泉任海口坊西邊一里餘近白玉泉同治癸亥年海口衆商捐建

博漾泉在秀英村前水甚清甘

濟旱井在秀英村後今併入礮臺泉深而味美鄉人開以濟旱久旱不涸故名

旋渦井在永興圖鳳潭村之下流溪底大石平敷石洞開一穴形圓似井溪流到此爲井所汲則從上

旋轉而下無異旋渦故名

梅峯古井在蘇尋二梅峯村味清冽井口五尺餘今井口樸檉叢生環繞如花紋帶口窄至尺餘與古瓶逼肖無異

七孔石井在蘇尋二敦詩山里四圍上下皆石深僅尺餘泉自石中湧出其礮有七色清似鏡甘如醴康熙年間鄉人陳開顯採石續敷井外路

清泉井在蘇尋二嶺山北出自石礮漚而爲井水深尺許味清而甘每逢大旱溝洫咸涸井中三穴益鬻沸或颶風將作之前數日井巾有雲氣浮起礮中聲鳴隆隆然相傳龍曾從此升天時赤鯉游泳

其間餘水灌溉數百畝岸東有岷山清泉三□□東灣石井在蘇尋二東排田里西南四圍皆石廣三尺深二尺許泉出自石礮每逢旱泉愈鬻沸三村汲之不竭

鼎井在蘇尋一治教里之西北隅深七尺餘井底一石類鼎中有礮泉從礮中沸出味甘大旱不涸東臯逸人路經其地飲之有詩云茶味甘於醴方知造化工陰陽早鼓炭煎向混茫中

石蠓泉在南坤市南側井底有一石頗似石蠓泉從蠓口吐出清涼無比其水以顯鏡窺之並無細蟲以天平稱之重過他泉洗人之均無外感飲之無

不受益

養生井在遵都東堡卜創村之西有石崗類火山噴成者廣丈餘深二十餘丈下有甘泉湧流激湍每逢大旱距井十餘里之村落皆資汲焉舊時汲道險隘迄咸豐年間重修上分東西二門鄉人稱便湧泉在遵都東堡卜武山每遇淫雨石巖中輒噴出湧泉宛如王筍直立高達數尺那刹問平地水深丈餘周圍數里之山坡盡成澤國瀉流一二月方竭竭時收縮甚速或數年一湧或數月一湧其流域經梁老上游而達南渡江

儒範井儒範村潘馮二姓于大明永樂年間掘鑿弘

治辛酉年仲夏月重修歷明清二朝泉甘而清有碑記其事焉

豆腐井在海口紅碇坡其井之水極淡然其味究不如白玉井之水更淡而味美海口商店民家常食此井之水

淡香泉卽白土井在城北七里紅坎坡西與海口大英村對面其井泉湧出跳珠漱玉水味極淡極甘海口四關内外商店民家常取此井水烹茶明宏治間陳英開咸豐

清惠泉在城北五里亭萬歷戊申郡守倪凍鑿泉味甚甘往來行人憇息者多飲此泉

邁鰲井在亞東儒吳二村山谷中俗名仙井天然湧泉不假人力廣五六尺深及膝味清冽異常大旱之歲鄉民苦乏水走汲者垣逾十里外惟此井涓涓不息人多汲之

仁井在亞東里之東濶丈餘深二丈餘鑿自清康熙年間永都西堡以此井爲最古汲食者不下十餘村泉清耐旱與邁鰲泉同源云

疊丹井在遵都西譚界巖泉湧瀦周圍三十步許冬溫夏冽旱則不涸一二十里皆汲之

丹活井在遵都圖周圍三十步其形如螺深十餘丈冬溫夏冽儒逢曰和儒盈等村汲之

美榕井在大挺玉吳村邊有石二個如門內有空坑數丈可便人行天旱雖久水泉不涸水一甕重於他井數斤色白味甘相傳天不雨時井水亦常溢出

清泉井在龍玩村東其水清甘四時不涸

八角井在大容村前自明代開鑿舉人符九容建築福前井在雲雁村南泉流不涸井旁有奇石峙立成虎形舊傳天時亢旱祈雨輒應設有福壇故稱福前井

洋良井在亨裕大挺傑興三圖儒鴻儒良二村交界其泉清甘長流不息雖遇大旱泉水湧出如常遠

近村多來汲之故名洋良

揚鎮井在縣西南三十里抱元圖揚鎮坊泉山麓湧出井深三尺澄清見底大旱不涸當春月時流出灌田數百頃鄉人稱爲養田井

天成井在縣西石山嶺之北井內空濶可容數十人旱時水深不滿三尺旁有三穴泉流湧出汲取不竭其味清甘環居各村食之但井路崎嶇汲者苦之光緒辛丑年監生符文藻成顯附生雲官等邀眾捐題修整往來井路行人稱便

鹽場井在縣東四十一里演順三圖塔市東桃蘭村後鹽場鹹溪中有一井泉其味清冽深僅尺餘圍

以瓦缸溪潮漲時鹹水溢其井面潮退則清冽如常鹽丁咸賴此以飲食焉

北港井在縣東五十里演順二圖北港村四面環海飲水甚艱每於沙地中深取則鹹淺取頗淡惟淺取則水無多終日汲不滿甕近十年來於村尾關船駐紮處忽得一井深有二尺水泉甚盛其味清於常井取之不竭不獨村中汲食卽往來船舶恒於此井汲水以備舟中之用

雅蔡井在縣南九十里分外內二井一汲食一洗物其泉流不竭引出灌田數百畝兼資水之種水菜湧泉井在縣南八十餘里白石菴前其泉從石穴湧

出滾滾長流數村汲食並引以灌田

甘泉井在大林圖黃雲村西嘉慶時有三泉湧出高田間相去咫尺其味清甘鄉人名爲甘泉黃際朝浚深之有碑記

洋滄井在暫都離十字路市一里許水味清甘四時不竭

美十泉井在亨裕都玉劉村

天然石井俗名雷公井在昌洽村東南隅又有一井相去丈許水清昔鏡四時不涸

永鞏井在縣南三十里永鞏村泉清澈底久旱不涸相傳自元末居此共掘此井深九仞

美味井在調塘二圖田尾村光緒三十年始開其泉  
清甘長流不竭

海公井在濱涯村邊海忠公墓場之右光緒十三年  
重修公墓刻碑大書海公井三字立於井側

東灣石井在蘇尋都東排田里西南百餘步原上四  
圍皆石廣三尺深二尺許泉自石隙湧出味清而  
甘每逢大旱泉愈長流不竭近村百數十家賴其  
井養

輿地志六

水利

度靈塘宋史河渠志開寶八年知瓊州李易上言  
州南五里有度靈塘開修渠堰溉田二百餘頃  
居民賴之今大來都響水橋上流有塘蓄水卽  
其舊蹟下流至那梅都英吳橋則亂石甚多旣  
不能瀦又不可洩春乾夏溢歲常不收尙當于  
英吳橋置閘啟閉以備蓄洩

舊志  
下同

義豐隄閘元王儕翁水利碑畧云其間義豐遵化  
豐好等處民田往因洪水衝決陵谷變遷難于  
稼穡後至元丁丑春諸田老以實聞于郡郡檄  
委前雷庠學正張宜舉董其役有田之民不期

瓊山縣志

卷三

輿地六水利

四十二

而至隄橋車閘修制有方七年始效獲水利者  
一十八處成熟田者有十萬餘頃

郡志作千  
有餘頃

南橋水道在縣城南外源自西湖龍井合流至南  
橋宋人浚河自蕃誕達大江正統間蕃誕人於  
兩岸築柵置車引水溉高田成化八年副使涂  
斐以南橋周相等訟橋內低田爲塞車壅水所  
傷遂除柵廢車自是蕃誕苦無灌溉爭訟不已  
正德六年郡守王子成乃召二處民謝傑陳堯  
明等議兩便車田每年自十一月二十日開通  
水道待南橋低田禾苗發長至次年二月初一  
日方許塞車其低田每要依期佈種或雨水泛

溢則田車仍要開通永爲定規

林村閘堤在縣東南五里頓林都鄉人以石閘堤

開渠引水灌田二十餘頃

堤音具正字通云譌字按隄塘無堤名今

郡志改爲壩

博冲車堤在縣東南頓林都源自西湖流經響水

橋英吳橋至北麻村會南渡江前人作堤轉車

升水溉田

濱壅圩岸在縣東南十八里自上那邕都達於頓

林都元至正間郡以民苦水患委前雷庠學正

張宜舉董築明洪武末郡復聞于朝委知縣陳

永彰修之進士符銘作記成化間圩岸漸圯監

瓊山縣志

卷三

輿地 六 水利

四十三

生符蘭復上陳副使涂棐委大使宋紀重修自用郎至邁元約有五里高二丈濶倍之宏治乙卯太守張桓委舉人梁繼策復修親臨環視高濶視昔加倍乾隆十一年知縣楊宗秉據吳承機等呈圩岸被人破壞隨經勘捐錢拾緡修復論架造水車不許橫截河流併不得擁水畜魚使下流淹浸以致爭訟凡修築上流出木壁下流出人工例得免其雜役然乾隆以前所患者不過一岸及嘉慶年間又崩加一岸道光年間又再崩加一岸其中衝陷田園宅舍不計其數今三岸年年修築視昔爲尤勞咸豐元年春有

土人掘去第三岸崩濶十丈深五尺合衆鳴宮  
署知縣張霈勘驗自捐錢一百千文命工買料  
運土補築旬日告成上下數于餘畝之民咸沾  
其惠

舊志增

塘心陂在縣東南十里顏村鄉人顏仲陽築長六  
尺濶一丈壅水灌田十餘頃

博厯圩岸在縣東南二十五里洒塘都築一百餘  
丈開渠引水灌田

潭羅陂在大小英都源自抱皇山坡下湧出鄉人  
于上流築陂塘灌田十頃

東岸隄在下東岸都成化間知縣梁昕築

瓊山縣志

卷三

輿地六水利

四十四

潭溪陂在縣東三十里小林都源自那庭田澗流  
出鄉人用石堵塞引以灌田

巖塘陂在縣東南四十五里卽博由鄭都巖間水  
湧出匯而爲塘宋端平問鄉人于塘門共築石  
高一丈六尺濶三丈八尺駕橋砌陂爲堤延袤  
二百餘丈流分二派南派灌溉鄭暫遵麻等都  
田北派灌溉洒塘抱藪大小等都田共數百餘  
頃其陂隸官職掌各都立陂甲三十二名以供  
其役以陂長一名督之任水性分流不得擅利

塞洩

綠松陂在縣東三十里小林都源自靈山舊澗流

出鄉人築土陂引水灌田

亭塘在巖塘右二里許韋執誼十世孫奉訓大夫  
韋敬匡始開其後裔庠生韋孝韋傑韋弟繼築  
成之成化間知縣梁昕復因其後人韋文貴修  
補高二丈五尺長百餘丈引水灌田雍正乙卯  
韋延獻重修併捐砌橋旁石路

舊志增

博浪圩岸在縣東四十里演順都自博浪溪起二  
百餘丈宣德間主簿熊誌鄉人王賢嗣等建議  
修築後圯成化間知縣梁昕仍命得利之家增  
修今漸崩圯

五丈塘閘在縣西五原都源白洋浚南延流至五

瓊山縣志

卷三

輿地 六 水利

四十五

原橋下合流鄉人每里築一陂名曰塘閘澇則  
開清則閉引水灌田

大潭陂在興政鄉陂開九閘隨旱澇開閉灌田七  
十餘頃

橋冲陂在烈樓都陂開七閘灌田六十頃

那洋陂在烈樓都源自南巖湧出成溪鄉人築陂  
灌田五十頃

南賴陂在縣西南七十里邁別都水源自石山流  
出鄉人築埧引水以灌田

梁陳陂在梁陳都元時遭水決洪武中知縣陳永  
章修築復圯正統間知縣朱憲以石砌築高七

尺長百餘步水源不竭民享其利

東屯塘在蒼原都鄉人築岸灌田八十餘頃

圓山塘在圓山村前澗湧成塘縈迴如帶水多綠色雜植荷花魚鰕甚盛鄉人築堤灌田數十頃

今名環龍塘

舊志增

潭宅塘自雷虎都入塘作堤灌田一百餘頃

南天塘在梁老都源自雷虎雲裔山流入鄉人置水車灌田一十餘頃

潭鄧塘在西潭都洪武間鄉人爲閘閘水變陸成田有數十頃

舊志

按黃氏通志載縣有水二曰陂

亭南橋圩岸三曰濱壅博歷博虎陂十曰塘心

瓊山縣志

卷三

輿地 六 水利

四十六

潭羅東岸潭溪嚴塘綠松大潭橋冲南賴梁陳

塘五曰東屯圖山潭宅南天潭鄧共灌田一千

八百餘頃

郡志

邁容車渠在縣東南八十里蘇尋都自邁容起至戴塞十里許引溪作水車灌田千餘頃

東溪圩岸在大林一東營港知府唐可封築圩防

海盜

長牽圩岸 後樂圩岸二岸在豐華都萬歷乙巳

地震田陷崇正間御史李元衡募民于河口稍隘處運土堆石築起兩岸高四丈長二十餘丈

濶二丈捍海爲田百餘頃勒碑于岸

蒼茂圩岸在縣東南八里頓林都發源自永都漑田八十餘頃嘉靖年屢修屢壞萬歷乙未知縣吳宗禎捐修丁酉副使胡桂芳知府李多見同知經仁本買石修築乙巳地震副使蔡夢說知府倪棟復修康熙五十一年雷瓊道申大成知府林文英知縣王贊築滾壩啟三門架橋于上水大從壩洩去小則蓄以漑田稱兩利焉五圖士民賴之有碑記以上俱舊志

官隆圖田溝距城六十里青草村明海瑞開水自樂萬至鷄頭等處迤邐十餘里灌田甚廣舉人王承烈有記郡志

瓊山縣志

卷三

輿地 六水和 四十七

那夾塘在城西北四十五里烈樓都水自山澗湧出成塘灌溉瓊澄二邑田數百頃上全

懸泉在城東南五十里近陶公山泉從山中湧出味甚甘灌田數十里上全

水頭泉在水頭地四時常流聲如擊鼓久旱不枯涸灌田數里上全

龍塘橋水在縣南二十里洒塘都其地田俱高亢中有小溝自橋而達大川洪武初鄉人王佑王球等築隄設水車十輛漑出數百頃附近都圖咸沾其利碑勒橋邊本舊志

博洋橋水在縣西四十五里源自山麓石澗出漑

田數十頃

郡志

塘柳塘在縣南七十里許東洋二都鄉人置車灌

田數百頃水利甚溥

採訪全下

塘襟塘在縣南七十里梁陳二都水自滿天塘流出梁老溪春夏間月塘梁沙各村塞車使水上壅塘中漲溢灌田數百頃

北堡堤在縣東南五十里萬都一圖北堡橋下自橋築堤壅水繞北墨坡達邁官井約百餘丈開渠引水灌雙熟田數十頃單熟田數百頃

南朝閘在縣東南五十里萬都二圖康熙年間博洽村吳杜二姓呈請縣主給示建從南朝橋上

瓊山縣志

卷三

興地六水利

四十八

用板閘水穿岸開溝灌村前後田百餘頃

曲水車渠在縣南五十里麻長都坡崙村前潦則引上流之水而趨別壑旱則激大江之水以歸蛟潭田多賴之

道路溪在城東十里興義都水從北冲河通海其田多潮患士人歷年築堰置車灌田旁有壇爐旱禱多應

雅黃塘在城南八十里許鄉人取水灌田十餘頃青草溝在城東南官隆一圖青草村前明嘉靖一十四年御史海忠介公到其地同鄉人王績鑿之廣一弓長十餘里灌田二百餘石有案存縣

隱門岸在縣東八十里調塘二圖朝坡村北乾隆初陸廷表仝衆修築嘉慶間陸文宏陸昌明仝衆增補高一丈廣二丈長百餘丈外障海潮內壅淡水有案存縣今漸圯

坡條岸在城東八十里調塘二圖燦梅村北明萬歷間地陷鹹潮泛濫田稻被傷連鄉仝築以障之國初圯乾隆十八年鄉人復請縣示鳩功修築廣三丈高一丈餘長八百餘丈可障田千餘畝咸豐四五年間鮑耀齊集衆重修岸外有臨那水坡五里仔三處海木護岸立禁不許損傷并有船三隻車三輛永供岸役長免稅課有

案存縣

十二白泉在聖鹿圖東銀山下有巨石方廣丈餘中有十二孔形如白泉從竅中湧出大旱不涸漑田數百畝流經文昌縣猴橋溪匯西亭洋赤土岸在城東七十里調塘一圖紫泥村東高乙丈餘廣三丈餘長一百餘丈岸旁餘地俱種海木圍護乾隆三十年奉道憲王仰縣主陳勘驗存案有碑監生黃必超仝衆築<sub>上仝</sub>

羅墩岸在郡東七十里調塘二圖乾隆十二年陳奇成倡捐補築咸豐五年重修大二丈高一丈長百餘丈外障潮水內壅淡水灌田千餘頃有

海木護岸

邊壁岸在都東七十里調塘二圖嘉慶二年李學斐倡捐補築咸豐五年生員李承露集衆重修大三丈高丈餘長百餘丈外障潮水內壅淡水灌田數百頃岸外并有海水護岸立禁不許爲人所損墨蒞泉在郡東南百一十里聖鹿都泉自田間湧出匯爲溝久旱不涸溉田數里

下水陂在城東南聖鹿都鄉人共築灌田百餘畝沿流而下爲祿馬橋橋有陂壅水灌田亦數十頃沙港屯田在徐家屯地屢被風鹹所侵屯人難以管耕乾隆四十八年歲貢林桂華仝衆招文邑柳嘉

村例貢林運鈺捐貲築塍禦之其塍廣三丈餘長十餘里共費錢九百四十千文每年三八兩月任鈺樵採嶮中之木以供火爨有碑

后山池塍在城東五十里豐華圖濱海圍田數十頃

厚山村王學書合衆建

以上本  
舊志

崩橋水在郡西北十里龍崑村前光緒年間潮人浚溝以通水道龍崑人因勢利導灌田數十畝

頭茫溝在文盛圖地方由儒琴井發源歷博靜等田灌漑數十頃每當大旱鄉人多於此爭分水利後經鄉紳集衆會議每於水路分支之地取石條橫塞而於石條上平均鑿分水口自此紛爭始息而

水利亦均沾焉

南渡江自然壓水車第一第二埧在縣南五十里麻長西江村所灌溉之田縱橫數里其利甚溥惜其不能耐久每年須從新構造現鄉人擬籌鉅款設自來水云

海爺溝在西江里其灌域有數里之長

大響水在縣南五十五里蒼興二圖永蔭村建水車二十餘架激水力以舂香粉獲利甚普其車聲聞數里下流入三十六曲水以達北冲河小響水相去一里許其聲相同

邱公潭滙合海爺客橋北點巖等處諸水流經鄭都暫都

抱元麻長龍塘等田灌溉數里經三橋流入於河水大漲時有河與溝消納所浸不久未能害稼遇大旱有河與溝水灌溉仍獲有年水利之大此爲最

大溪在縣南九十里蛟頭文多兩村之間水源有二一自龍盤溪一自心田溪到此合流引水入田有四埠灌溉千餘畝田其利甚溥西北流入舊州溪出北冲河

卜天溪在縣南九十餘里邁別二圖地平時水流如常每逢天將大風雨時水聲聞里許後數日必有颶風歷試皆驗故名卜天溪

昌洽村溝在縣東七十里迎恩圖昌洽村東南方發

源自羣雁村分流逕昌洽村外深六七尺濶丈餘長納數里灌溉田數百頃下流入三江溪北點巖塘泉水長流不竭由鄭都山巖湧出宋代韋公創建橋梁長隄長二里橫二丈高一丈一以便往來一以灌溉上下田畝前志已詳壬子夏洪水冲崩橋門鄭都韋德據杜方厚抱元圖吳紹姬吳多藩韋煥琪杜生根杜春青吳多善吳大本王鎮三杜振權等議由聯圖田捐重修堅固田畝咸賴灌溉始復其舊

上官塘在文興圖潭浪村前面積二十餘丈水不涸竭灌溉田數十畝

水母湖在永興圖書田村西北其水四時不涸湖邊之田皆資灌溉故名水母

洋溶潭在縣西南三十里抱元圖洋溶村地有三潭四井西邊內爲長潭東邊爲圓潭外爲鯉魚潭泉源自山麓湧出大旱不涸灌溉田百餘畝潭中多魚居以爲利四井泉味清甘十餘鄉汲食

博潭田水泉在縣西五十里石山都濶二十餘畝深不過六寸泉流處處滾出涓涓不窮灌田千數百畝

障瀾岸在縣東三十餘里桂林一圖桂林洋之東北隅山下村左岸內洋田遼濶岸外直通大海未建

岸以前每逢颶風海潮漲溢泛濫無際其洋田獲收者十無一二乾隆年間邁德村曾日葵邀集提倡從田畝抽收建築隄岸以障海瀾故名曰障瀾嗣因繼起無人修理年久傾圮俗所稱爲崩橋是也同治之末道立村廩生林森同族人開春復邀集鄰村按田畝分爲上中下下四等抽牧得錢數千千文購石重建又勸各村捐題常住並外墾荒田數石按年收租生息以爲遞年培補經費其岸長數十丈高丈餘橫架溪間障隔鹹淡使人往來岸門分爲五以堅木爲之鹹潮漲則閉而隔絕淡水盛則開而通之其利益洋田正無窮耳

橋片源北出道熱潭西出傑興大挺之道聽湖爲雅潭水口其下流灌溉高田二三里自橋片流二里許與橋永川水合流橋永川上流數十步上有井曰井涼常出清泉雖旱未涸自橋永川至道橋與道楓川水合流道楓川源出道白田三川合流爲橋土川流至邕陽圖潭社湖曲折三四里東流入大溪

烈樓圖傳桂村前一溝發源於那盈村邊經文毓村後直入傳桂村前又東北行經道蓋博撫文麗等村至那林村再西行二里許始入海灌溉十餘里之遠

公益池在縣東南八十里池周圍皆石五六丈形圖如盤小清若鏡四時不竭冰出處成一小溝濶二尺尺許深尺餘去溝丈餘有一大池周圍數十丈水出灌溉平洋田數百畝因名爲公益池有碑記其事

北宮溝源出萬都一之魯池北流至北宮村轉折而西達萬都二爲蘇尋英育之交界至演豐入海沿岸山多田少惟北堡隄一帶少資灌溉之利三十六曲由官隆流入蒼興至大響水入麻長橫亘全境西北流達南渡江盤紆曲折不可名狀渾名爲三十六曲兩岸多良田各曲之冰足資灌溉者

爲巨潭蒼巡洞